



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

Decretum. VIII.

urn:nbn:de:hbz:466:1-11399

nomine quisquam sponte eas offerat; sed is illas in capsula deponendas curet; que certo Ecclesie loco, aut pro sacristia foribus propterea collocata erit.

Cui capsulae ijs ipsis certis diebus sacrista Ecclesiae curator clericum aliquem probatum praeficiat: cuius cura sit, & Missarum numerum describere, & notare item quorum nomine causae illae celebrari debeant; ut ex earum rerum notatione rationeque, sacrista curatorve sacerdotibus statim praescribat, quid pro elemosina oblata ipsi singuli praestare debeant, ad satisfaciendum voluntati eorum qui obtulerint.

Peractis autem sacris, quae pecunia eam ob causam in capsula deponita erit; illa Sacrista vel Ecclesiae curator ijs Sacerdotibus pro rata distribuat, qui eo die in illis ipsis Ecclesiis celebrarint.

Cui vero Sacerdotes, prope eas Ecclesia habitant, in quibus vel dies festus agitur, vel indulgentiae indictae sunt, vel alia causa plures Missae celebrantur; ipsum populum suae curae commissum moneant, quas elemosinas Missarum celebrationi dare quisque velit, eas non Sacerdoti ipsi tradat qui celebraturus est, sed in capsulam deferat, quae eo nomine constituta erit.

Decretum. VIII.

NEMO, etiam si parochus sit, neque ullus item cuius sacerdos, cui etiam nostris literis in universa urbe dioecesi quae nostra Missam celebrare concessum est, in vllis quibuslibet monialium Ecclesiis celebret; ne superioris quidem permisso, qui illarum curae praesit, nisi facta sibi a nobis nominatim huius rei potestate; idque exceptis ijs diebus, cum in ijs ipsis Ecclesiis funus exequiaeve fiant.

Decretum. IX.

NE vestes, ornamenta, aliaeque cuiusvis generis indumenta ad usum sacrum comparata, in sacrosancto Missae sacrificio, & reliquis divinis officijs adhibeantur, nisi ex Ecclesiae instituto prius solenni ritu benedicta sint.

Nemo sine facultate celebret in ecclesijs monialium.

Vestes pro divinis officijs bene dicenda.

Decretum. X.

QVOD in Parochialibus Ecclesijs & urbanis & dioecesanis fieri solet, ut parochi fidelibus Dominico die denuncient, quae vigiliae, qui dies festi, quae ite ieiunia in hebdomadam incidant; hoc autem ipsum cum minime consentaneum sit praetermitti negligere in Ecclesia Metropolitana, reliquarum Ecclesiarum quae in nostra urbe & dioecesi sunt, matre, in quam vel frequentissimus populus convenire solet: ideo edicimus ac iubemus, ut in singulos Dominicos dies, unus ex Canonicis eiusdem Ecclesiae minoribus, qui ordinarioli seu notarii nuncupantur, pronuntiato in solenni Missa Evangelio, vigiliae, dies festos, & ieiunia, quae sequenti hebdomada ex sacrosanctae Ecclesiae ritu atque instituto agi celebrarique debent, & reliqua item omnia quae nostro iussu promulganda erunt, populo denuncient.

Vigiliae & dies festi in Metropolitana denunciantur.

Decretum. XI.

IN maiori Missa, quae in nostra Metropolitana, aliisque Collegiatis Ecclesijs, & in ea item Missa, quae a parochis, aliove eius nomine in Ecclesijs parochialibus quotidie celebratur, cum Corpus Iesu Christi Domini suscollitur; signum campanae sono detur: cuius soni significatione, fideles qui in Ecclesia non adsunt, admoniti, ad tanti tamque magni mysterii ac beneficii recordationem animam adijcere atque excitare possint.

Campanae pulsatio in elevatione corporis Domini.

Decretum. XII.

PAROCHIALES Ecclesiae extra urbem, quarum parochi sibi persuadent, eas a cuiusvis Praepositurae iure liberas esse atque immunes, si id publicis monumentis, aliave ratione duobus mensibus testatum non fecerint; intra eam Praepositarum fines esse censeantur, quibus Praepositis illae ipsae parochiales Ecclesiae parochialia officia praestant, vel alio quovis tempore praestiterint. Quod si nulli unquam Praepositurae ea praestiterint; sint eius quae propius abest, iuri adiuncta.

Parochiales ecclesiae alicui praepositurae adiungantur.

Si vero duae tresve Praepositurae paribus inter se intervallis distare videntur earum parochialium Ecclesiarum ca-

rato-